

FLOREAN DAL PALAZZ

AL SALTE FUR LA JOIBE

A CINQ CENTESINS IL NUMAR -- BÈZ SUBIT

Si vend a la librerie L. Ferri, all'Edicole e dai Tabachins in Marciatvieri, in piazze Contarene e S. Bartolomio.

Abonamens:

Par un An quatri francs; par 6 mes doi francs;
Par l'estero il dopli.

Inserzioni:

Intindisi cu la Redazion. Mandà letaris al simplis
indirizz: **Aminist. Florean dal Palazz - Udin**

CHELL CHE FLOREAN AL SINT SENZE OLE

Dialogo fra Tite Lung e Zuan Frusin.

— Oh Tite!

— Oh Zuan!

— Al è un piezz che no si viodin. Ce ul di?

— A mi tu m'al domandis? No sastu ce afars che son in zornade par noaltris puars operajos?.....

— Hai capit..... tu us di che an d'è pòs in sberte!

— Altri che pòs..... no si po bevi a momens nance il quintin la feste.

— Brao..... e trattaressin di diminui lis pais.....

— Sì, sì, e son i filantropos modernos, i sublims economisg, chei che uelin ben al popul, che muerin par lui, che si comovin e che vain tes publichis adunanzis... par fassi fa cavalirs e comendators.... Ah e son ben stupis, ben gonzos chei che erodin a chest genar di gnove filantropie, di umanitat e di caritat abastanze pelose.

— Cemud ise, cemud ise cheste? Tu has dit, mi par, che tratin di calà lis pais? Se cun ches che si lia si stente a vivi, a mangià potente e formadi?

— Ma sì, ma sì, ciale mo. Sta atent. E han dit, qualchidun, fondin lis Cusinis Economichis pal popul, il qual par conseguenze al varà un bon vitto a bon marciat e cussi l'operajo al podarà lavorà par macco, e lis industriis e aumentaran e ches che son e floriran.....

— Po si sa, si sa; che al ul di: s'ingrassaran i proprietaris a spalis di chell puar diaal che al lavore.

— Precisamentri, tu la has dite proprit juste; cussi la intindin i filantropos, chei che, a peraulis s'intind, e disin di disfassi pal nestri ben.

— E po ce isal dutt ches ciass che fasin intor a chetis istituzions, ce sono dutis chetis riunionis, dugg chesg discors, articui sore articui, incensamens

a Tizio e a Sempronio, par riesci in t'una robe tant semplice e tant clare?

— Ce che al è? Al è che han voe di sgionfassi reciprocametri, e come il solit, il puar popul al è il sogett dal lavor de societad dal mutuo incensament. Dopre il turibun tu uè, che jo lu doprarai par te doman.

— E jè par die vere. E jè cussi, parcè che la vin vidade in altris circostanzis precisamentri cussi.

— Del rest, sint ciar tu, jo mi ricuardi che une volte, che i convens e jerin in floribus, e dispensavin la mignestre gratis et amore dei, ca o là, senze nissun discors, senze sussurs, senze riunionis di sorte. E qualunque che al foss lit, là noi tornave mai indap, senze jessi plen e passut. Astu capit come che jè?

— O hai capit ance masse. Ma i abitans dai convens no aspiravin ciart a fassi fa cavalirs o comendators.

— E po i nestris progressis, i nestris filantropos, i nestris talianons, o ce che tu us clamaju, i han ciolt dutt ai convens, a lis corporazions religiosis, che fasevin tantis caritas, senze fa nance il plui pizzul sussur, e dopo lor ce hanno fatt? Hanno forsi sostituit i convens tal fa il ben al puar?

— Po nance par insium! Ciol l'esempli da lis famosis Congregazions di Caritat, ce mud che esercitin la caritat. E han cur di dai a une famee di vot, diis individuos, che si ciatin te plui squalide miserie, tre francos al mes. E che frain! Ma se no i bastin nance par pajà l'affitt di ciase!

— E di a cussi che cumò e han i filantropos modernos tes mans lis oparis pijs; e di a cussi che bruntulavin parcè che e disevin che prime i puars no ricevevin nuje o squasi nuje!

— E cumò ce ricevino? Milions? Ben se si trate di qualche siore in capelin!

— Ben intindut! Sastu ce che o hai di diti jo? Che malafesi che han reson i clericai sun chest proposit. Al jere mior che vessin lassat lis robis

come che jerin, che, a levin, almanco pal puar bisognos, unmont mior.

— Po, si sa, ma se tu sevelis cussi ti dan dal retrogrado, dal clerical e pies.

— Jo o sai di jessi liberal e lor che disin chell che uelin. La veretat e jè une sole. Che mi fasin il plazè di dimostrami che chell che o dis al è fals, e alore jo o sbassi il cial e mi clami pintut. Ma fin che no mi dimostrin tant o stio te me opinion.

— E tu fasis ben anca a dile. E scrivin pur sui sfuois cumò che al è desiderabil di bandi une volte par simpri, tal tratà i publichs afars, la ipocrisie e di jessi francs e sincers?

— Zi, zà, ma cheste francezze la amin nome dula che i comode a lor. E jè come la storie de Societat Operaje vè. E disin che da la Societat Operaje no devi mai jessi fatte politiche di qualsiasi sorte. Ben, no viodistu tu, che ogni, volte che i comode a cui che comande e fasin da la politica bieło e buino? E cussi al è in dutt. La ipocrisie, la vanitat e il partigianesim e ognip sovrans.

— Ance cull tu has mill resons. Ma che vadi come che ul. jo o voi a bevi un quintin di chell bon la di sior Checo al Martinar.

— Brac, brac, o ven anca jo, e continuerin a discori la via, tra uno tazze e l'altre.

— Po' si, sì, tant plui che cull al tire un sibibo...

— Al qual nol po resisti che Florean. Anin, anin.

FLOREAN E MARIE LUIGIE IN DOMO

Marie Luigie, l'altre sera, si metave in gringule e spesseeve a plui non posso par cori dula? O biele, mi disè cun braure, in Domo, anzi, brutt omenat, tu mi faras un plase di vigni anca tu, par purgati dai peccadas comitus chest carneval.

Insime, quand che jè diis una robe, par no sintile a sberla, bisugno subit ubidi.

Lin in Domo, entras che sin, jè sì ha ciassat tal miezz di une sdrome di habis, destituidis di la dretis dretis in paradis senze sinti nance l'odor di brustulin e senze nance saluda i cogos dal ciadaldiau che cun dute tranquillitat e rustissin cristians.

Il viodi la glesie cussi scure mi fasè stuarzi il nàs, e mi ciatai unmont pintut di vè lassat lontana Marie Luigio, la qual par fortune jere ciassade framiez feminis. Ma se par disgrazie si foss ciassade donge i bragons, magari di chel zovins e plens di morbin no la varessin lassade in pàs.

Paraltri qualche tropp di fantatis, bielis, frescis, spiritosis plui di Marie Luigio, no vevin di chestis pauris; anzi, an d'jere di ches che pareve ciassin il pont plui seur e plui popolat di bragons.

Viodèvi che anca Marie Luigio tirave il cuell

par cirl un puest plui comud di chell che vere.

Dio! disel, che si sinti smanie anca jè di la fra i bragons? Sospiet oribil! No, no po jessi. Par fortune che jere masse int, cussi jè ha dovut rassegnassi e restà tal so puest, e cussi dà la pass al miò puar cur.

Infant di chestis robis, sintivi il prediciador, ma in cause dal seur no podet discerni la so fisionomie; ma daur i sals che al petave in pulpit podet giudicarlo par un zovin parusulat abilissim o unmont amant dai ritornoi.

Sicome che anca in afars di prediciadors si use la concorenza, cussi han pensat di pes-cià fur la lenghe toscane par atira plui int, ecc. ecc.

Vignarà la zornade che noaltris, mai usas, no si contenterin nance se viodarin in pulpit un zulù o un pelirose.

Jò, lassai che al toscani tant che l'ul e mi ocupai da la int che lu scoltave.

Dutt un moment mi capite donge Marie Luigio russansi un flanc cun l'une man, e la cusses cun che altre e mi diis: — No sai come che puedin fa ches feminis a resisti a tant torment.

— Come, Marie, oramai ches bestis?

— E co muardons anca che molin, si cognoss propri che dopo un lung unviar plenis di fam savind che vin ancimò il grass di carneval, e danu lis primis muardindis cun gran acaniment.

— Jò, invece crodevi che qualchidun si ves ciott scherz cul dati qualche pizzigon.

— Matt di omp, sigur che in preferenze di becons di pulz, tant jo che chell tropp di feminis la bramaressin mior il massimo dai scherz di omp, che une sole becade.

Finit chell ragionament e finide anca la predice jo e Marie sin lass fur.

— Marie, i disel, cumò che sin stas cun devozion a la predice, varin un pos di pecias di manco, no mo?

— Uei sperà di sì, Florean.

— Jo, invece o dubiti di vent radoplate la dose parceche, une gran part di noaltris mortai no ciatin nè ciatarin lug plui comud de glesie par conta, e racolzi notiziis, concludi sposaliziis e cumbina tang e tang altris afars; massime po, quand che si predice e si salte tal pulpit, mai plui tant ben. Baste, finile e che ognun pensi pe proprie cuscienze.

Apene rivas a ciase, Marie Luigio mi mostrà, (chell che ha olut mostrà) dutt martorizat di becons. Ciale, mi disè, se cumò che al è fred, fasin cheste funzion, ce saral ches istat a sta donge ches citinonis, lis quals prein cun tant racoigiment da no inacuartzisi di puje. Florean, ches si clame vere peuitinze, ver martirio!

— Nuje, nuje, ti darai une buine unzude cu la cerspagnie e dutt tornerà in prim stat.

DA LA ZAE DI FLOREAN

Mi mandin pe pueste e jo publicli tal e qual:

« Sior Florean

Vind ciatade cheste letare o malacopie di letare, mi sint in dovè, tratansi di segress amoros, di là il pussibil che la presint letare torni tes mans di chell che la ha piardude senze che nissun sepi di ce che trate.

Ma, viodind che sarà quasi impussibil che la persone che ha piardut chesto, sepi o puedi induvina che lui, sior Florean si ciate possessor de letare, cussi ju prei a inserirle tal so sfuejut.

Soi signr di fa ciosse grate a che persone che la ha piardude, la qual podarà vigni francamentri da lui a rititale.

La letare, par poc che jo m'intind, mi par scrito in una lenghe ranzide piai che salmastrade. Si vied che chell puar scrittor si ciatave in stat di esaltazion montal, con gran tremavole, o con segno di qualchi lagrime colade tal scriville.

L'ortografie jè apene sufficient par intindi ce che l'olevo significà.

Eco la letare:

« Amò Mio!

Ben chò povero di tuto pure l'amore che sento per lei lo trovo melio di richesa.

Cosa è mai e bene e male in tera mentre il mio supera il suo giache l'amor mio lo segue per ogni dove io la vedo.

Deeo? se ben si ricòrda al festino dei taperseri io feci il tuto ma ci sono venuto te vidi e ti seguiva per tuto tu palavi ed io sempre ti seguiva per quando tu per gratitudine balasti con me sentivo che il cuor mi mancava.

Oooo? tu balasti meco per che non farmi di torto non per amor.

Se ben ti ricordi tu ciaciavavi col tuo diletto io non vedendoti più coreva come passo a seguirti.

Al la refesion tale era la tua rivoluzion che o me misero cosa fa l'amor dopo aver mangiato la mia amica cara volta facevo molte volte le scale del Restuarant credendo di non aver ancora mangiato.

Oooo? a mato bene se non per questo acolizimi per amante e ti pro meto tuto quello che di grande possiede, mentre di lei non desiderero che quello che la sua coscienza gli ispirerà.

Incoragiato da lei spero di oteneria e di poter con sua licenzia nel giorno di santa Cătarina seppelirla de narans e nose.

La prego che la presente letara non cadda in mano a nissuno perche questo sarebe una grave ofesa al mio onore e una con promessa a lei.

Gli manderei quello che gli piacesse se lei senza rissorre volésse acogliere con atacamento.

Di voi signora mi sotoségno l'amico futuro

M. O. »

Eco, Florean, cheste jè par me la prime volte che l'amor fasi fam, del rest, sicome il progress l'è sun dutis lis ciossis, cussi al si sarà sviluppat ance tal amor.

Dai, par me, un pizzigon a la bieie menzionade te letare, acoliz, di me, un salut e une strenzude di man, erodimi simpri un to

assiduo letor: »

« Chei di Basandiele e erodevin di svolà senze alis.

Il proverbio al diis: cui troppo abbraccia, nulla stringe. E cussi lor e restarin con un pugn plen di mos-cis.

E volevin vè il plevan, e volevin imponisi cu la violenze e co olognirino con chest sisteme?

Noje no otignirin, ma anzi il dann e lis beffis.

Si parceche mi contin che al fo il dibatiment cuintri chei tai di Basandiele che se la vevin ciapado a muart cuintri il plevan di Zujan. E il Tribunal ju ha condanis degg. Eco ce che ciaparin cul la dair chei che i sofin tes orelis!

Calme i ul, calme, tai afars, se si ul vè sodisfaziou. Se no si piard il zpi o anco il moai. Hano capit chei tai di Basandiele?

Al cas tornarai su l'argument. »

Tant mi scrivin da Basandiele e jo come jo no sai proprit ce di, e mi par solamentri che cui che al scriv al vevi bon sens, ciosse che in zornade no si la ciate par lis stradis. Chei di Basandiele che i pensin sore e vedaran che forsi i tornari cont. E prin di datt che no stein a dà rete ai sofiadors! Sano lor ce che ridin chei di Zujan? E hano tuart?

Mi scrivin:

« Nol è nuje ce di. La Compagnie Maggi che recite al Social e jè di prin ordin.

Ma juste ben par chell si po e si devi pretindi che sui avis che la sulodade Compagnie e publiche, ananzand lis produziouns che dà ogni sere, no vevi di cometi madornai erors di gramatiche.

E difatt sui avis si lòi: La Compagnia drammatica Bellotti-Bon, di proprietá e diretta dall'artista Cav. Andrea Maggi, ecc. ecc.

Al è ben dit diretta dall'artista, ma come si pnedial tolerà in italian gramatical di proprietá dall'artista?

O amett che chest al sei un eror par pure sviste, ma però al sarò ben che al vignis ciolt.

Il pedant. »

Floreaan, simpri just, nol po dà tuart al *pedant*, quantunce, in regule general, i pedans e seia dutt altri che la so simpatie.

O ricev e o publichi:

« A di la veretat si pö propriit consolassi dal concors dai nêstris operajos tes robis che ju riguarde.

E fasin un'adunânze preparatorie a lis elezioms, e su 1500 socios, e intervegnin nujemanco che in vincevott!

E jê l'Assemblee e no rivin nance a fa il numar legal!

Bisugna po notâ che, oltre ai Conseirs, si trate di nomenâ ance il President de Societat, ciosse abastanze important, mi par!

Parcè tante apatie? Sâveso parcè? Parceche jê oramai entrate tai operajos l'opinion che chei solis tre o quatri e fasin dutt lor, che al è inutil fevelâ parcechè al è chell istess, che i operajos no son mai scoltas, e vie discorind.

Ise propriit cussî? O lassi rispuindi a cui che al sa plui di me.

Un operajo. »

Mi mandin:

« Un pari l'altre di diseve a so fi: Chest an tu faras la licenze liceal; e ce astu studiâ la midisine?

— La midisine malafè no, rispuindè il fi. I medis devin sta simpri cul ciapiell in man, e saludâ da dutis lis bandis, e jessi plens di complimenz; e jo no soi fatt par chell mistir.

— E ce astu di studiâ?

— La lezz.

— Cun chell cîaf, che tu has tu, la lezz? E parcè mo la lezz?

— Parceche i avocaz e han simpri il ciapiell gnuv e apene si degnin di sbassâ il cîaf, se qualchidun ju salude. E po se o deventi avocat, cui sa che no mi nominin deputat al Parlament, e quand che si mett pit in Parlament, no si sint plui fred.

— Brav, il miò fi! Il Signor ti mantegni che opinion! Soltant ti racomandi, che quand che tu saras deputat, no tu vadis mai a votâ, quand che cûl to vôt tu podareassis ofindi o il to colegio elettorâl opur i ministros. Tu sas dula che stan di ciase lis Paulatis? Quand che sarâ il pericol, il to Parlament al sarâ su la rive dal Zardin. »

O ricev e o publichi:

« Doi predis jr l'altri si son ciatas barufe leind une letare latine dal vescul sul giubileo, un voleve

sostigni che si po ciapâ ance doi giubileos, ma no in Quaresime; l'altri al diseve di si, parceche quand che al fas chess ciossis prescritis nei dis che nol è dizun, la letare vescovil apojade all'ordin dal pape si po fa oucagne di giubileos chest an. In chell che si barufavin al entre par câs Tite ciarguell, e al si mett a ridi, e subit — no ise ore di finile, cun chestis fotis no, imbecii dugg i doi, seso cussî indaur di fanus erodi chestis ridicolâgnis buinis pai monis e pai stupis come che ses voaltris doi, us diress un altre ciosse, imparait a jessi umin e no bestis instupididis nell'ignoranze.

Si diseve tant che il vescul al veve di ciantâ il Tedeum domenie cun dutis lis autoritas, invece o soi stat in Domo, o hai vidut quatri cialonis cun un muson che faseve paure, e i clerichis vistus a neri mostrand cussî il dolor di ciantâ il Tedeum. Brâs par diè!

Mentri o scriv chest fatt, mi ven une letare lunghe assai, ma no te mandi, parceche il to sfuejut al è pizzul, e parceche al mett in canzon i autors che han influit sul vescul a no abassassi a lis autoritas. Che continuin cussî chei ciars reverendos, che di lor an contarai di bielis.

Sestu stat a sinti il prediciador, Floreaan? O erodaress di si. Tu has di savè che al ha di bati dugg i incredul, e massime chei che ciolin pai cul i predis e lis lor *veretas infaliblis*, o vedarin ce che al savarâ fa; jo riten che il mond al vadi simpri indenant pe so strade, e che dutt il flat che butin vie sui pulpits, faressin miei a conservalu, e servissi par studiâ un poc mior i umin e la societât come che jê plantade.

On varess un altre filze, ma lis lassi par la venture setemane, intant ti saludi.

K. »

PUESTE DI FLOREAN

Zinghine — *Morlean*. — Seso indurimidit? Cheste volte no hai vidut nuje. Us racomandi.

E cussî ai altris corrispondens de Provinciæ, che si svein!!

VINCENZO LUCCARDI, direttore responsabile.

Udin, 1886 Stamp. A. Montalban